

PEMBERITAHUAN PERTANYAAN
DEWAN RAKYAT MALAYSIA

PERTANYAAN : LISAN

DARIPADA : YB DATUK WEE JECK SENG

KAWASAN : TANJONG PIAI

TARIKH : 10 JUN 2015 (RABU)

NO. SOALAN : 49

YB DATUK WEE JECK SENG [TANJONG PIAI] minta MENTERI PERPERDAGANGAN ANTARABANGSA DAN INDUSTRI menyatakan berapa banyak Perusahaan Kecil dan Sederhana (PKS) atau Small Medium Entreprises (SMEs) telah memanfaatkan dari program GoEX Programme seperti yang dicadangkan dalam Pelan Induk Perusahaan Kecil Dan Sederhana atau SME Masterplan (2012-2020).

JAWAPAN

Tuan Yang Di Pertua,

Perusahaan Kecil dan Sederhana (PKS) memainkan peranan yang penting di dalam pertumbuhan ekonomi Malaysia. Oleh yang demikian, kerajaan melalui Majlis Pembangunan PKS Kebangsaan (MPPK) yang dipengerusikan oleh YAB Perdana Menteri telah menyokong Pelan Induk Perusahaan Kecil dan Sederhana (2012-2020).

Pelan induk ini memberi fokus utama kepada enam program berimpak tinggi dan program GoEX merupakan program berimpak tinggi yang keempat di mana Perbadanan Pembangunan Perdagangan Luar Malaysia (MATRADE) telah dilantik sebagai agensi pelaksana.

Objektif program 'going export' (Go-EX) adalah untuk mengenalpasti, membimbing dan membangunkan PKS untuk lebihberdaya saing di persada antarabangsa, menyediakan akses jaringan antarabangsa dan meningkatkan eksport serta peluang perniagaan baru dengan meluaskan pasaran sedia ada dan baru.

Program Go-EX adalah disasarkan untuk PKS yang sudah bersedia untukmeneroka pasaran eksport ("Export-Ready") dan pengeksport yang mempunyai potensi untuk meningkatkan eksport melalui penerokaan di pasaran-pasaran baru dan pengeluaran produk dan perkhidmatan yang baru.

Sehingga 7 April 2015, sebanyak 71 syarikat perusahaan kecil dan sederhana telah mendapat manfaat dari program Go-Ex. Syarikat PKS tersebut terdiri daripada 8 sektor sasaran iaitu sektor automotif, bahan binaan, elektrik & elektronik, makanan & minuman, peralatan perubatan, teknologi & maklumat dan komunikasi, gaya hidup dan minyak & gas.